



JUDICIAL SYSTEM MONITORING PROGRAMME  
PROGRAMA MONITORIZASAUN BA SISTEMA JUDISIÁRIU

*Komunikadu Imprensa*  
*Parlamentu Nasionál*  
**21 Setembru 2016**

**Alterasaun ba Lei Pensaun Mensál Vitalísia sai Prioridade ba Sesaun  
Lejislativa Dalima hosi Lejislatura Datuluk PN nian**

Iha 20 Setembru 2016, Prezidente Repúblika, Taur Matan Ruak, halo abertura ba Sesaun Lejislativa Dalima hosi Lejislatura Datuluk Parlamentu Nasionál iha uma fukun Parlamentu Nasionál.

Bankada Parlamentár sira nian, no Prezidente Parlamentu Nasionál iha sira nia deklarasaun afirma komitmentu atu hadi'a lei sira ne'ebé regula kona-ba pensaun mensal vitalísia ho nia regalias sira hotu ba eis-titulár orgaun soberania sira nian.

“Ita hein katak deklarasaun polítika sira no komitmentu hosi membru deputadu sira iha PN tomak bele sai realidade, tanba normalmente mesmu iha deklarasaun polítiku sira sempre dehan sira iha komitmentu, maibe kourum sempre la to'o hela deit,” dehan Diretór Ezekutivu JSMP, Luis de Oliveira Sampaio.

Prezidente Repúblika iha nia diskursu mós rekomenda atu Parlamentu Nasionál hadi'a pensaun vitalísia ne'e. Pensaun vitalísia ne'e sai preukupasaun povu Timor-Leste tomak durante ne'e, tantu komidade, sosiedade sivíl, akadémiku inklui mós líder relijiozu sira tanba konsidera katak pensaun vitalísia ne'e hamosu injustisa sosiál entre elite polítika no povu. Prezidente Repúblika subliña liutan katak Lei Pensaun Vitalísia ne'e kria tiha sistema ida-ne'ebé fo ezemplu ladiak ba sidadaun sira. Lei Pensaun Vitalísia kria parazitas tanba fulan-fulan simu osan boot hosi Estadu maibe lahalo buat ruma ba sosiedade hodi selu fali laran luak ne'ebé fó ba sira.

Kestaun ne'ebé públiku kestiona maka'as kona-ba asuntu Pensaun Mensál Vitalísia ne'e mak porsentajen ho 100% hosi saláriu líkidu ka baze mensál eis-titulár sira nian ne'ebé maizoumenus entre USD\$1,500 to'o USD\$2,500. Aleinde ne'e hetan mós regalia oioin ne'ebé la justu iha kontestu vida real povu nian ohin loron. Nune'e, povu sira rekomenda atu Parlamentu bele hadi'a lei sira ne'ebé regula kona-ba pensaun no regalias hirak ne'e.

Iha diskursu abertura Prezidenti Parlamentu Nasionál haktuir katak Parlamentu Nasionál sei fó prioridade atu finaliza lei sira hanesan alterasaun ba Lei Pensaun Mensál Vitalísia, Projeitu Lei Anti Korrupsaun, Proposta Lei Pakote ba Rai, nomós Proposta Lei Seguransa Sosial.

JSMP louva Partidu Demokrátika (PD) no Prezidenti Repúblika nia intervensaun ne'ebé kestiona polítika ne'ebé implika funsionamentu setór justisa hanesan, duni sai juis internasionál sira sein planu investimentu adekua no halo setór ne'e sai paralizia tiha.

Deklarasaun ne'e nu'udar expresaun importante ba instituisaun Estadu hotu-hotu atu respeitu prinsipiu separasaun póder nian tuir saida mak Konstituisaun haktuir.

Rua setubal, Colmera, Dili Timor Leste

PoBox: 275

Telefone: 3323883

[www.jsmp.tl](http://www.jsmp.tl)

Facebook: [www.facebook.com/timorleste.jsmp](https://www.facebook.com/timorleste.jsmp)

Twitter: @JSMPtl

Hare ba tempu ne'ebé limitadu atu finaliza servisu importante hirak ne'e, JSMP husu ba deputadu sira hotu tenki tama servisu pontuál no disiplina ba oras plenaria nian. JSMP mós husu atu deputadu sira utilza tempu ultimu mandatu ne'e ho efisienti iha servisu lezislativu nian atu bele aselera prosesu diskusaun ba lei importansia hirak ne'ebé mensiona iha leten.

Atu hetan informasaun liutan favor kontaktu direktamente:

Luis de Oliveira Sampaio  
Diretór Ezekutivu JSMP  
E-mail: [luis@jsmp.minihub.org](mailto:luis@jsmp.minihub.org)